

- 8 (8) Die dri künige wāren, als ich gesaget hān,
 von vil hōhem ellen; in wāren undertān
 ouch die besten recken, von den man hāt gesaget,
 starc unt vil küene, in allen striten unverzaget.
- 9 (9) Da₃ was von Troneje Hagene, und ouch der bruder sīn,
 Dancwart der vil snelle, und von Metzen Ortwin,
 die zwēne marcgrāven Gēre und Eckewart,
 Volkēr von Alzeije, mit ganzen ellen wol bewart.
- 10 (10) Rūmolt der kuchenmeister, ein ū₃ erwelter degē,
 Sindolt und Hūnolt, disc hērrēn muosen pflegen
 des hoves und der ēren, der drier künige man,
 si heten noch manegen recken, der ich genennen niht enkan.
- 11 (11) Dancwart der was marschal; dō was der neve sīn
 truhsæ₃e des küniges, von Metzen Ortwin.
 Sindolt der was schenke, ein ū₃ erwelter degē;
 Hūnolt was kamerāre; si kunden grō₃er ēren pflegen.
- 12 (12) Von des hoves krefte und von ir witen kraft,
 von ir vil hōhen werdekeit und von ir riterschaft,
 der die hērrēn pflāgen mit frōuden al ir leben,
 des enkunde in ze wāre niemen gar ein ende geben.
- 13 (13) E₃ troumde Kriemhilde in tugenden der si pflac,
 wie si einen valken wilden zūge manegen tac,
 den ir zwēn arn erkrummen¹⁾, da₃ si da₃ muoste sehen;
 ir enkunde in dirre werlde nimmer leider sīn geschehen.
- 14 (14) Den troum si dō sagete ir muoter Uoten.
 sīn kunde in niht bescheiden ba₃ der guoten:
 „der valke, den du zīnhest, da₃ ist ein edel man;
 in welle got behūeten, du muost in schiere vloren hān.“
- 15 (15) „Wa₃ saget ir mir von manne, vil liebiu muoter min?
 āne recken minne wil ich immer sīn.
 sus schōene wil ich bliben unz an minen tōt,
 da₃ ich sol von manne nimmer gwinnen keine nōt.“
- 16 (16) „Nu versprich e₃ niht ze sēre“, sprach aber ir muoter dō;
 „solt du immer herzenliche zer werlde werden frō,
 da₃ geschīht von mannes minne. du wirst ein schōene wip,
 obe dir got noch gefūeget eins rehte guoten riters lip.“
- 17 (17) „Die rede lāt beliben“, sprach si, „vrouwe min.
 e₃ ist an manegen wiben vil dicke worden schīn,
 wie liebe mit leide ze jungest lōnen kan.
 ich sol si mīden beide; son kan mir nimmer missegān.“
- 18 (18) In ir vil hōhen tugenden, der si schōene pflac,
 lebt diu maget edele vil manegen lieben tac,

¹⁾ Frāt. von erkrimmen.